


## LAMPIRAN 1

### 14 WILAYAH SELATAN THAILAND

(Berdasarkan Akta Pembahagian Kawasan Pentadbiran Negara Thai 1933)



Sumber: Thailand's Sala Net

<http://www.sala.net/Thailand/Images/maps/th.s.gif>

## LAMPIRAN 2

### WILAYAH-WILAYAH MAJORITI MELAYU DI SELATAN THAILAND



Sumber: Islam Online

<http://www.islamonline.net>

**LAMPIRAN 3****PERATUS UMAT ISLAM THAILAND MENGIKUT WILAYAH**

(Berdasarkan Bancian 1989)

<b>WILAYAH GEOGRAFI</b>	<b>PERATUS MUSLIM</b>
SELATAN	80.5
BANGKOK	10.6
TENGAH	8.2
UTARA	0.52
LAIN-LAIN	0.16

Sumber: RISEAP, *Muslim Almanac Asia Pacific* (Kuala Lumpur : Berita Publishing, 1996), hlm. 210.

**LAMPIRAN 4****PERATUS UMAT ISLAM THAILAND  
DI WILAYAH-WILAYAH SELATAN**

(Berdasarkan Bancian 1989)

<b>WILAYAH SELATAN</b>	<b>PERATUS MUSLIM</b>
NARATHIWAT	78.5
PATTANI	77.5
SATUN	66.0
YALA	62.8
KRABI	34.2
SONGKHLA	20.0

Sumber: RISEAP, *Muslim Almanac Asia Pacific* (Kuala Lumpur : Berita Publishing, 1996), hlm. 210.

**LAMPIRAN 5****PERATUS PENGLIBATAN ORANG MELAYU DI SELATAN THAI  
MENGIKUT SEKTOR PEKERJAAN**

(Berdasarkan Bancian 1989)

<b>SEKTOR PEKERJAAN</b>	<b>PATTANI</b>	<b>YALA</b>
Petani	74.25	64.31
Nelayan	9.05	N/A
Pekerja Am	N/A	17.89
Peniaga	3.16	10.0
Pekerja Sektor Pekerjaan	1.56	7.72

Sumber: Zamberi Malek, *Patani Dalam Tamadun Melayu* (Kuala Lumpur : DBP , 1994), hlm. 261-262.

## LAMPIRAN 6

### RINGKASAN BAB GUGUSAN CAHAYA KESELAMATAN

BAB	TOPIK
Pertama	Kenyataan ayat al-Qur'an dan Doa yang berkaitan dengan menjauhi musuh dan bala. Bab ini mengandungi 13 bahagian.
Kedua	Berkenaan dengan khasiat surah al-Waqi'ah dan doa-doa yang berkaitan dengan murah rezeki, kaya dan menjauhi kepapaan. Bab ini mengandungi 13 bahagian.
Ketiga	Berkenaan aturan sembahyang hajat dan doa menunaikan hajat. Bab ini mengandungi 13 bahagian.
Keempat	Cara-cara untuk mengetahui pekerjaan yang bakal dilaksanakan sama ada baik atau tidak menerusi cara istikharah. Bab ini mengandungi 7 bahagian.
Kelima	Berkaitan dengan doa dan wirid serta khasiat-khasiatnya. Bab ini mengandungi 20 bahagian.
Penutup	Pernyataan wirid yang membawa keberkatan dunia dan akhirat.

Sumber: Ahmad Fathy al-Fatani, *Ulama' Besar Dari Patani* (Bangi : Penerbit UKM , 2001), hlm. 153-154.

### LAMPIRAN 7

#### RINGKASAN DASAR RATTANIYOM KERAJAAN PHIBUN

BILANGAN	JUDUL
1	Penggunaan nama negara, rakyat dan bangsa.
2	Bahaya yang akan menjejaskan bangsa.
3	Panggilan nama Thai.
4	Penghormatan bendera kebangsaan, lagu kebangsaan dan lagu pujian raja.
5	Dorongan supaya orang Thai mengguna barang-barang asas buatan dalam negara Thai.
6	Gaya dan isi nyanyian lagu kebangsaan.
7	Mengajak supaya orang Thai bekerjasama membangun bangsa.
8	Nyanyian lagu pujian bangsa.
9	Bahasa dan pelajaran Thai serta tanggungjawab warga negara yang baik.
10	Pakaian warga negara Thai.
11	Kerja harian orang Thai.
12	Pertolongan dalam memberi perlindungan terhadap kanak-kanak, orang tua dan orang lemah

Sumber: Ahmad Omar Chapakia, *Politik Thai dan Masyarakat Islam*  
 (Alor Setar : Pustaka Darul Salam, 2000), hlm. 90-91.

### LAMPIRAN 8

#### POLISI BARU KABINET THAI DALAM MENGHADAPI PERKEMBANGAN MASYARAKAT ISLAM DI SELATAN 1947

BIDANG	POLISI
Pemerintahan	Diserahkan kepada Kementerian Dalam Negeri untuk menilai kesesuaian mengikut keadaan. Pelajar Melayu juga diberi hak untuk memasuki Kolej Tentera dan Polis. Para pegawai kerajaan yang dilantik untuk berkhidmat di wilayah-wilayah selatan akan dipilih di kalangan yang boleh berbahasa Melayu.
Pembangunan Ekonomi	Pembaikan jalanraya akan diberi keutamaan sebagai asas pembangunan ekonomi di keempat-empat wilayah selatan. Kerajaan akan membantu dari segi sokongan kepada industri getah dengan cara menaikkan harga getah.
Agama dan Budaya	Kebebasan akan diberi dalam melaksanakan kegiatan agama dan budaya tanpa menjejaskan keamanan negara. Kerajaan Thai akan membangunkan projek <i>Surau Luang</i> (Masjid Raja) di wilayah-wilayah selatan. Pemimpin-pemimpin Islam akan turut dijemput dalam perayaan rasmi hari kelahiran Raja Thai.
Kehakiman	Satu jawatan yang dinamakan 'Dató Yutitham' akan diwujudkan. Pemegang jawatan ini bertanggungjawab sebagai pemutus hukum berkenaan agama Islam terutama yang berhubung dengan keluarga dan pusaka. Dua 'Dató Yutitham' akan dilantik di setiap wilayah-wilayah selatan.
Pelajaran	Bahasa Melayu akan diajar 5 jam seminggu. Guru-guru akan dipilih dari mereka yang mahir berbahasa Melayu. Sukatan pelajaran akan berteraskan sukatan pelajaran Negeri-Negeri Selat.
Media	Siaran radio berbahasa Melayu akan diadakan. Begitu juga dengan rancangan mencetak surat dan sebaran berbahasa Melayu akan diadakan mengikut keadaan.

Sumber: Ahmad Omar Chapakia, *Politik Thai dan Masyarakat Islam* (Alor Setar : Pustaka Darul Salam, 2000), hlm. 115-116.



## LAMPIRAN 9

### SURAT HAJI SULONG MELANTIK TENGGU MAHMOOD MAHYIDEEN SEBAGAI WAKIL PEMIMPIN MASYARAKAT ISLAM

*“Hadzaratul muhtaram Che Mahmood Mahyideen bin Abdul Kadir bekas Sultan Patani (sic). Adalah kami umat Melayu yang di bawah pemerintahan kerajaan Siam mema’lom kan bahwa kami sekarang tidak lagi berkuasa hendak menanggung akan ke’azapan tindihan dan kezaliman yang dihempaskan ka-atas kami sekalian oleh pegawai2 kerajaan Siam baik pada diri masing2, kaum bangsa dan ugama bagaimana yang terma’lom itu sungguh pon kami sekalian telah beberapa kali mengangkat kan surat2 rayu hal dan teriak tangis kepada penguasa kerajaan Siam meminta dan tujuan hendak menghilangkan bangsa Melayu Ugama Islam yang kami kasihi itu tetapi tidak juga dapat apa2 timbangan yang diberi puas hati kami. Maka dengan surat ini kami mewakili dengan sepenuh2nya meminta ada tulong akhtiar kan barang apa hal pon yang patut dan layak pada pandangan Inche supaya kami boleh hidop di dalam dunia ini sebagai manusia yang didalam nya pada segala hak2 kema’nusiaan dan bangsa Melayu yang berugama Islam. Maka dengan kehendak dan tujuan ini lah kami dengan suka hati dan kehendak masing2 menurun kan tanda tangan dibawah ini tanda mengsah kan kasukaan kami masing2 akan perwakilan yang tersebot diatas ini.”*

Sumber : Nik Anuar Nik Mahmud, *Sejarah Perjuangan Melayu Patani 1785-1954* (Bangi : Penerbit UKM, 1999), hlm. 67-68.

## LAMPIRAN 10

### MANIFESTO GEMPAR

Manifesto Gabungan Melayu Patani Raya (GEMPAR)  
Bismillahi'r-Rahmani'r-Rahim

"Budi, Bakti Sehati"

1. Adalah perjuangan anak-anak Melayu yang sedang di bawah pemerintahan Siam itu ialah semata-mata berdasar kepada damai, keadilan dan kemanusiaan. Bukannya pula kita bertakbur handak berdiri bersendirilah sebulat-bulatnya kerana kita sedar akan kelemahan dan kekurangan segala-galanya didiri kita. Kesedaran diri itulah satu daripada iman. Ugama Islam yang dengan hanyalah kita berpegang, tetapi oleh sebab keadaan orang Melayu kita khasnya dan Islam amnya yang ada di bawah pemerintahan Siam itu sudah tertolak daripada segala-galanya hak kemanusiaan dan keadaan yang berlawanan bahan dengan segala tujuan dan undang-undang telah (Rattam Nun) Kerajaan Siam sendiri yang mengaku kepada segala hak kerakyatan dan aliran demokrasi bagaimana difahaman oleh sekalian penduduk dunia ini maka terpaksa kita mengambil langkah-langkah yang tersebut di bawah ini.
2. Dengan asas pendirian kita di atas jalan damai, keadilan dan kemanusiaan sekalian pengajur Melayu telah mengangkat bagi timbangan kerajaan Siam akan segala kemusykilan di dalam hal tindihan ke atas kita, tetapi rayu hal-hal dan teriak tangis kita semuanya disepakkan ke tepi.
3. Sesudah beberapa kali kita mengangkat teriak tangis itu maka akhirnya dengan hati yang pilu kita rakyat-rakyat dan abdi Siam yang tidak lagi dapat menanggung azab sengsara tetapi masih berpegang kepada asas pendirian damai, keadilan dan kemanusiaan telah terpaksa mengangkat sembah kepada kerajaan Siam akan segala kezaliman yang terpaksa di atas batu kepala kita dan menuntutkan tujuh syarat yang difikirkan patut, layak dan menasabah sebagai hak kepunyaan kemanusiaan, keadilan dan kerakyatan iaitu:
  - i. Minta kerajaan mengakui yang empat wilayah iaitu Patani, Yala, Narathiwat dan Setul ialah negara Melayu dan lantikan seorang pegawai tinggi yang dipilih oleh anak-anak negara daripada orang peranakan negara itu dan berkuasalah ia di dalam serba-sebi pemerintahan dalam empat wilayah itu sebagai satu negara.
  - ii. Delapan puluh peratus (80%) daripada kakitangan kerajaan di dalam empat wilayah itu mestilah daripada mereka yang beragama Islam.
  - iii. Bahasa Siam dan Melayu dijadikan bahasa negara di dalam wilayah-wilayah itu.
  - iv. Bahasa Melayu hendaklah dijadikan bahasa sekolah permulaan.
  - v. Undang-undang Syari'ah hendaklah diakui oleh kerajaan dan mahkamah Syari'ah diasingkan daripada mahkamah adat, hakim-hakimnya hendaklah daripada orang-orang Islam yang cukup kepandaiannya.

- vi Hasil dan segala pendapatan kerajaan di dalam empat wilayah itu hendaklah digunakan bagi faedah dan kemajuan wilayah-wilayah itu.
  - vii Hendaklah ditubuhkan Majlis Ugama Islam yang berkuasa di dalam hal Ugama Islam di dalam empat wilayah itu di bawah tadbiran dan urusan pegawai tinggi.
4. Dengan beberapa gembira kita rasai tatkala didapati bahawa yang maha kuasa kerajaan Siam telah menghantar suatu Jawatankuasa bagi menyiasatkan tuntutan kita yang tersebut di atas ini. tetapi alangkah kecil hati dan rendah semangat kita dari sebulan ke sebulan kita menanti tiada juga didapati jawapan resmi daripada kerajaan. Tetapi kita dengan daripada mereka yang boleh dipercayai bahawa Jawatankuasa itu telah menasihatkan kerajaan akan teriak tangis kita itu hanyalah satu perkara yang kecil daripada puak yang ada padanya hanyalah muslihat diri mereka itu sendiri sahaja dan tidak wajib bagi kerajaan ditolakkan segala permintaan dan teriak tangis segala rakyat-rakyat Melayu di bawah godaan Siam itu.
  5. Sesudahlah keadaan yang demikian itu maka sekarang dengan kehendak kebanyakan rakyat jelata Melayu yang ada di dalam empat wilayah yang tersebut di atas menerusi ketua-ketuanya maka dikeluarkanlah risalah dasar perjuangan kita ini supaya menjadi pedoman kepada sekalian rakyat di situ dan jua supaya dunia dapat tahu akan kezabab, kepicitan dan ketindahan kita umat Melayu dan Islam di dalam empat wilayah itu mudah-mudahan dapatlah kita mencapai kehasilan cita-cita kita akan hak kemanusiaan, keadilan dan kebebasan yang bersesuaian dengan kemajuan tamadun dan masa.
  6. Adapun dasar-dasar perjuangan kita itu adalah demikian:  
Hendaklah menyatukan empat wilayah iaitu Patani, Yala, Narathiwat dan Setul sebagai satu negara Islam dan melepaskan kaum Melayu yang ada di dalam empat wilayah itu daripada kehinaan, kepicitan, ketindihan, keperahan dan kaniayaan ke atas diri masing-masing bangsa dan ugama.
  7. Sungguhpun dasar pendirian negara kita itu Melayu dan Islam tetapi sebagai negara adil dan serata tidak pula kita hendaklah m...ndirikan, menggalangkan atau mengada salah satu paptan dan helah-helah yang akan menyebabkan kebimbangan dan menjadi kesedihan kepada penduduk-penduduk yang lain daripada Melayu dan yang beragama Islam bagaimana kita tidak suka kerajaan Siam membuat ke atas kita demikian kita tidak akan membuat kepada orang lain.
  8. Kehinaan yang dirasai oleh Kaum Melayu dan Islam di negeri empat tumpah darah kita sendiri yang ada di bawah Siam itu ialah kerana adalah sesungguhnya mengikut undang-undang tubuh Siam (RattamNun) itu bahawa sekalian anak negeri Siam walaupun apa bangsa keturunannya dipandang dan diakui ialah orang Siam dengan tidak terkecualinya.

Salahtah jika sekiranya siapa-siapa orang Melayu sifatkan dirinya orang Melayu di bawah perintah Siam. Hendaklah ia menjadi orang Siam sejatinya. Adakah kita suka menjadi orang Siam? Adakah kita mahu menidakkan diri kita orang Melayu? Sudahkah pada undang-undang kita orang Melayu dikatakan Siam, tetapi pada sisi orang Siam amnya tidak pula diakui keadaan kita demikian sedang mereka itu memanggil kaum kita Melayu dan Islam dengan perkataan "Li Khek" "ai" itu ialah satu perkataan kehinaan yang disebut pada sisi binatang sahaja, dan "khek" itu makna "tamu". Adapun "ai khek" itu dipandang hina dan rendah oleh Siam. Mulut disuap pisang, buntut dijangkit duri.

9. Kepicitan dan ketindihan yang dirasai oleh umat Melayu dan Islam itu ialah dengan beberapa papatan dan ialah pada menegakkan pengajaran bahasa dan ugama pada sekalian orang Siam yang dikehendaki belajar Siam di dalam mana-mana sekolah segala ugama ditegah diajar tetapi di dalam sekolah-sekolah Siam diajar ugama Buddha dengan nama "tawarikh Buddha". Suku daripada itu diadakan peraturan bahawa tiap-tiap orang Islam itu kenalah ada nama Siam berpakaian, cakap dan beradat Siam selain daripada mereka yang berugama Buddha tidak dibenarkan masuk jadi askar darat, laut dan udara. Dalam jawatan pemerintahan negeri pun susah bagi orang tidak Siam sejati dan berugama Buddha itu tidak bekerja. Mana-mana orang yang bukan Siam berugama Buddha yang ada memegang jawatan disyak dan ditahan kenaikan pangkat mereka itu. Sebenarnya semenjak lepas peperangan di Timur adalah peraturan sopan negeri itu halang kuatkuasanya tetapi tidak pula dibatalkan dan tujuan hendaklah menghasilkan segala dasar-dasar "ratium" itu sekali-kali tidak terbatal di hati penganjur-penganjur Siam dan akan dimulakan kuatkuasanya dengan sepenuh-penuh apabila peluang dan masanya tiba pula. Tidak syak dan waham lagi niat kerajaan Siam amnya hendak jadikan sekalian orang Melayu dan Islam di dalam negerinya itu sejati orang Siam Buddha.
10. Keperahan atau menghisap darah negeri-negeri Melayu oleh Siam sudah ternyata barang siapa melawat negeri-negeri Melayu itu dengan senangnya dapat dilihat bagaimana kelalaian kerajaan Siam pada memajukan negeri-negeri itu. Segala pekerjaan memberi faedah hanyalah kepada penduduk-penduduk negeri itu amnya dicuaikan tetapi disempurnakan mana-mana pekerjaan yang ada padanya muslihat ketenteraan dan penduduk-penduduk Siam. Jalan raya dibiarkan dengan tidak dibaik hingga tidak dapat dibeza mana jalan dan mana pula bendang padi yang digala itu. Dan lagi jalan-jalan raya ini dibuat dengan tidak berkira bicara dengan lain-lain pejabat seumpamanya pejabat tanaman, taliair bahkan pejabat pemerintahan negeri itu dibuat ikut pandangan dan kesenangan pejabat kerjaraya sahaja maka oleh sebab itu banyak bendang dan sawah-sawah padi dirosakkan oleh jalan-jalanraya yang menahan aliran air yang dikehendaki oleh ladang-ladang itu. Tali-tali air dan hal-hal cucuk tanam, ternakan dan sebagainya yang

amat diambil amati di jajahan Siam sejati istimewa di bahagian Bangkok tidak dibuat apa-apa pun oleh kerajaan Bahagian ini. Perusahaan garam yang kepadanya bergantung beberapa banyak kehidupan orang di dalam jajahan Patani tidak digalak-kan, bahkan mencuba hendak mematikaninya supaya bendang garam di kawasan Semut Songkram dekat dengan Bangkok itu maju. Beberapa banyak modal dan usaha bagi memajukan perusahaan garam di Semut Songkram itu telah diadakan oleh Kerajaan Siam, tetapi beberapa ialah hendak mematikan bendang garam petani-petani dengan jalan kerajaan membeli segala garam kesemuanya dengan murah dan dijual dengan membeli segala garam kesemuanya dengan murah dan dijual dengan mahal daripada harga garam di Semut Songkram. Akhirnya harga garam Patani di sebelah Semenanjung ini lebih mahal daripada garam Semut Songkram pada halnya Patani satu pertiga lebih dekat daripada Semut Songkram, dan itupun lebih baik daripada garam patani. Galian-galian emas dan timah di empat wilayah ini banyak tetapi jarang orang berani mengeluarkan modal kerana sudah berkira dengan pegawai-pegawai kerajaan di empat wilayah ini hanya hidup dan adanya ialah semata-mata kerana hendak makan gaji dan mendapat faedah kepada diri mereka itu. Pendeknya tujuan kerajaan Siam di empat wilayah ini ialah semata-mata hendak mengambil hasil dan cukai dengan tidak memberi apa-apa manfaat dan faedah kepada negeri-negeri dan penduduk di situ. Hidup Siam maju Bangkok mati Melayu dan Islam pada empat wilayah itulah pekikan Siam. Jika negeri-negeri Melayu itu tidak begitu makmur dan penduduknya mati dan semangatnya teguh harus niat dan cita-cita Siam itu sudah berjaya dengan sepenuhnya.

11. Keaniyaan tidak sahaja penduduk di sini diperahkan dengan jalan iktisad dan lain-lainnya tetapi juga mereka dianiaya dengan jalan pemerintahan. Pegawai-pegawai yang dihantar ke empat wilayah ini kebanyakan telah masyhur kezaliman mereka itu di tempat-tempat lain dan mereka tidak tahu bahasa dan adat resam anak negeri sebagai perintah Siam fikir tidak wajib mempelajari bahasa dan adat resam Melayu penduduk-penduduk di empat wilayah yang hendak diperintahnya itulah yang wajib mempelajari adat resam dan bahasa Siam. Dengan hal yang demikian itu anak-anak negeri Melayu di sini yang kebanyakannya tidak tahu bahasa Siam tidaklah dapat keadilan dengan sepatutnya bahasa kerajaan termasuk Mahkamah iaitu bahasa Siam segala dakwaan terpaksa mengguna penguam-peguam Siam dan juru bahasa-juru bahasa Siam yang tidak cukup mengerti kedua-dua bahasa itu. Dan lagi segala perbicaraan yang telah dibuat oleh mana-mana Mahkamah di Semenanjung Tanah Melayu di dalam masa dua tiga hari harus menjadi berbulan-bulan atau bertahun-tahun dibicarakan oleh mahkamah Siam. Maka oleh sebab kebanyakan penduduk-penduduk di sini miskin, tidaklah mereka suka dan mampu hendaklah dapat keadilan daripada mahkamah-mahkamah itu terlebih baik bagi mereka menyelesaikan pertelingkahan-pertelingkahan itu di antaranya dengan jalan apapun selain daripada membicarakan di dalam Mahkamah kerajaan dan lagi pegawai-pegawai Siam gajinya terlalu

rendah, kehendaknya terlalu tinggi, oleh sebab itu pendapatannya itu tidak mencukupi kehidupannya dan terpaksa baginya mencari pendapatan luar bagi mencukupi kehendak-kehendak kehidupan itu. Banyak pegawai-pegawai itu hidup dengan bantuan rakyat yang dikehendaki menghantar barang-barang makanan baik mereka ada salah atau tidak. Jika mereka hendak kaya lekas, mereka mencari helah membuat temasya, jamuan memanggil rakyat makan pulut. Di situ rakyat-rakyat terpaksa datang serta membawa "bunga tangan" baik barang atau duit yang berganda-ganda untungnya daripada makanan yang diberi kepada tetamu itu banyak juga pegawai-pegawai Siam berniaga tatkala itu mana-mana saudagar yang berlawanan dengan mereka atau tidak bersubahat dengan mereka tentu tidak maju. Dagangan-dagangan yang amat disukai sekarang ialah beras ke luar negeri Siam.

12. Banyak orang salah tidak dibicarakan di Mahkamah tetapi dihukumkan oleh mata-mata baik dengan didenda dengan tidak resmi ataupun dibunuh dengan beberapa helah seperti dituduhnya menjadi perompak dan lanun atau melawan kuasa mata-mata dan sebagainya. Apabila seorang ditembak oleh mata-mata tidak wajib lagi disaksamakan di mahkamah hanya memadai dengan seorang hakim melihat keadaan perlawanan itu dan disahkan sebenarnya munasabah bagi mata-mata itu membunuh orang itu. Begitu banyak pembunuhan-pembunuhan itu hingga seorang hakim di jajahan Teluban berkata kepada pegawai mata-mata di situ demikian, "jika sekiranya perompak-perompak ini hendak melawan mata-mata hendaklah ikhtiar melawan dekat dengan jalan raya supaya senang saya memeriksakan keadaan itu dengan tidak payah saya berjalan berbatu-batu ke dalam kampung pula". Inilah keadilan demokrasi yang diberi oleh Siam kepada umat-umat Melayu di sini.
13. Semenjak Siam memerintah negeri-negeri ini dengan seterusnya (lebih kurang 4 tahun dahulu) tidak lebih daripada jari sepuluh bilangan orang-orang Melayu yang boleh memegang jawatan tinggi kerajaan. Siapa salah? Bandinglah dengan keadaan negeri-negeri Melayu Semenanjung yang terlepas dari perintahan Siam hanya 30 tahun dahulu. Apakah keadaan negeri-negeri itu pada tahun 1910 dan bagaimana pula keadaannya sekarang ini?  
Negeri-negeri Patani negeri tua dan terkenal dahulu daripada negeri-negeri Melayu yang lainnya tetapi sekarang keadaannya serendah-rendah darjah kemajuan penduduk-penduduk dan negeri-negeri di Tenggara Asia ini. Ke manakah pergi sekalian alim ulama patani yang masyhur itu? Mati dan mengembara dengantiada diganti. Masjid dan surau banyak tetapi hendak berjumaah pun susah. Adakah mereka sekolah Melayu dan Ugama Islam? Adakah mereka rumah sakit dan pejabat ubatan kerajaan yang melawat dan memberi ubat dengan percuma di merata-rata kampung? Adakah anak-anak negeri dapat kebebasan diri, bebas bercakap dan berfikir tiada ketakutan bahaya kepada diri dan kelaparan? Segala-gala kekurangan itu ialah oleh sebab kelalaian pemerintah dengan segala-galanya. Mereka suka melihat orang Melayu

dan Islam di sini jadi semacam yang sudah terjadi kepada saudara-saudaranya di kawasan Bangkok lenyap dengan nama dan taraf Melayu dan Islam inilah suatu tauladan mengesahkan tujuan kerajaan itu. Pertanyaan dalam sepa (Majlis Mesyuarat Siam) oleh seorang ahlinya "kenapa orang Thai Islam di Selatan dalam empat wilayah itu belum lagi dapat dijadikan Siam sejati baik pada fikiran, pakaian, bahasa dan adat resamnya? Jawab Menteri dalam," kerana banyak orang-orang di situ sedang berhubung dengan negeri-negeri Melayu di bawah naungan Inggeris dan menghantar anak-anak belajar di negeri-negeri itu baik di dalam hal ugama dan penghidupan dan lagi ada banyak ibu bapa yang mengajar anak-anaknya di dalam bahasa Melayu dan ugama Islam di rumah mereka dan sulit maka oleh sebab itu tujuan kerajaan itu tidak boleh dimajukan dengan lekasnya tetapi jangan bimbang akhirnya semua akan jadi Siam sejati kelak'.

- 14. Redhakah kita penduduk-penduduk Melayu di dalam empat wilayah khasnya dan sekelian saudara-saudara Melayu yang lain amnya membenarkan kita yang di bawah pemerintahan Siam itu dijadikan Siam? Adakah sekelian Muslimin meredhakan kita membuang Ugama Islam yang maha suci itu?
- 15. Kepada penganjur Siam pula kita bertanya adakah mereka suka kita mempermelayukan mereka dan mengubahkan ugama mereka? Bagaimana perasaan mereka. begitulah perasaan kita pun.
- 16. Maka dengan sebab-sebab yang dihuraikan di atas ini kita penduduk-penduduk Melayu di empat wilayah di bawah Siam itu berikrar dan mengaku berusaha dengan segala-gala tenaga bagi menyempurnakan dasar perjuangan kita yang pertama tersebut di atas ini serta diikuti pula dengan perjuangan yang kedua ini.

Mengadakan pemerintahan di dalam negeri yang bersesuaian dengan kemajuan dan pendirian Kebangsaan Melayu dan adat istiadat dan resam Melayu dan Ugama Islam.

- 17. Selagi kita tidak dapat hendak mengaturkan serba serbi perjalanan pemerintahan di dalam negeri tidaklah kita dapat membinakan kehendaknya dan pendirian kebangsaan Melayu, adat istiadat resam Melayu dan hal-hal Ugama Islam. Jika keadaan ini dipegang oleh bangsa asing dan beragama lain daripada Islam yang bertujuan mengkhidmat kepada bangsa dan ugama kita segala kehendak-kehendak dan tujuan-tujuan kita itu tidak boleh dijalankan dengan sempurnanya, diganggu dan disulam oleh kecenderungan mereka hendak merosakkan dan menghapuskan segala benda yang disayangi dan dikasihi kita itu.
- 18. Kita memang hendak bersatu padu dan bekerjasama dan dengan bangsa-bangsa lain dan mereka yang beragama lain dan berdiam dengan damai dengan mereka itu. Melainkan tatkala kehormatan dan kebebasan kita

itu diganggu atau digalangkan. Kerana hak dan kebebasan diri dan kehormatan bangsa dan agama itulah roh dan semangat kehidupan dengan ketiadaannya manusia tiada berbeza dengan kejadian-kejadian Allah yang lain dan hilanglah segala kemuliaan dan kebesaran Allah yang menjadikan kita itu.

- 19) Maka tatkala kita sudah mencapai dasar perjuangan kita yang kedua ini dengan semangat itulah pula kita berusaha mencapainya cita-cita kita yang tersebut di dalam dasar perjuangan kita yang ketiga di bawah ini. Inilah balasan dan hadiah kepada kita sekalian kerana usaha, teguhan, keberanian dan pengorbanan kita di dalam perjuangan kita terdahulu daripada itu. Inilah dasar perjuangan kita yang ketiga ini.

Meninggikan taraf bangsa Melayu dan untuk kehidupan anak-anak negeri supaya tiap-tiap seorang dan sekaliannya dapat setinggi-tinggi sifat kemanusiaan, keadilan, kebebasan dan dalam pelajaran yang bersesuaian dengan masa dan tamadun sekarang.

- 20) Ternyata di sini kita akan segala-gala kekurangan kita maka kekurangan itu tidak boleh kita betulkan melainkan tatkala kita berkuasa membentuk dasar kehidupan dan nasib bangsa kita sendiri. Kekurangan ini terutamanya oleh sebab kebanyakan orang kita diterungkup di bawah tempurung kepedayaan membuat kita merasa bumi kita itu cukup luas dan memadai dengan kehendak dan kemahuan kita tetapi kita tidak sedar bahawa di keliling tempurung itu ada beberapa perubahan dan sisi kemajuan sudah berlaku yang menjadikan perbezaan yang besar di antara kerajaan di dalam dan di luar tempurung itu. Maka tatkala tempurung itu teraleh atau terbuka terungkupnya ke atas kita itu segala sinaran kemajuan di luar tempurung itu mengeluarkan kita yang sudah tertinggal di dalam keadaan derita, kelalaian dan kebodohan itu menjadikan kita bagaimana keadaan sekarang ini iaitu mati tidak mahu hidup malas. Negeri kita subur dan makmur tetapi kita payah dan miskin kerana kita sendiri adanya di dalam kemegahan di bawah tempurung itu, dan terkeciwa di dalam bentuk kehidupan diri dan kebangsaan kita maka sekarang sudahlah kita sedar dari tidur. Janganlah kita berlang-lang berjalang berlang-lang berfikir pula tetapi hendaklah kita bersatu hati dan fahaman dan berusaha dengan sekuat-kuat tenaga kita meninggikan taraf kebangsaan kita dan mutu kehidupan kita masing-masing dan sekaliannya. Tiap-tiap orang diberi sama peluangnya bagi mencapainya setinggi-tinggi sifat kehidupan dan kemanusiaan.

Kemuliaan dan kekuatan tenaga sesuatu bangsa itu ialah mata tunas yang terbuktinya daripada kemuliaan dan kekuatan tenaga seseorang daripada bangsa itu dikumpulkan kesemuanya sekali. Kepandaian, kemuliaan dan kekuatan tenaga seseorang dua daripada bangsa itu tidak boleh mengangkatkan taraf kebangsaan itu hanyalah tatkala kebanyakan orang daripada bangsa itu pandai, mulia raya, bersatu padu dan berfahaman baharulah boleh mengangkat taraf mutu kebangsaannya itu.

Tiap-tiap orang hidup di dalam dunia ini terpaksa bergantung kepada yang lain. Sesuatu negara dan bangsa itu ialah sebagai suatu bahan jika



sebahagian kecil daripada anggota badan itu katakanlah jari kaki sakit, kesakitan itu tentu dirasakan oleh anggota-anggota yang lain di badan itu dan jika tidak diubati dengan sebenarnya nescaya bertambah sakit lagi rasanya badan itu bahkan harus berjangkit kepada anggota yang lain pula. Jadi sekarang dua anggota badan sudah sakit demikianlah kelalaian mengubat itu boleh menambah dan merebak-rebak kepada anggota lain. Dan lagi jika badan itu cukup sihat amnya lekas pula baik penyakit dihadapi oleh badan itu, sebaliknya jika dan itu lemah dan berputus-putus perhubungan di antara anggota dan anggota badan itu sedikit penyakit dihirap banyak pula dirasakan oleh badan dan dapat ia merebak ke lain anggota dengan cepatnya.

Demikianlah keadaan sesuatu orang dan kaum bangsanya itu. Tinggi taraf dan kekuatan dan sesuatu bangsa payahlah hendaklah dijatuhkan tetapi jika lemah dan bercecerai berai nescaya lekas jatuhnya hingga boleh menjadi hapus daripada muka bumi seperti tauladan-auladan bangsa-bangsa dahulu kala yang sudah lenyap sekarang.

Bagaimana kita hendak meninggikan taraf bangsa kita?

- i. Hendaklah kita hapuskan segala perasaan dengki, hasad, khianat dan tamak itu. Tiap-tiap orang itu tidak sunyi melihatnya muslihat diri sendiri terlebih dahulu daripada muslihat lain. Selain bukan nabi atau wali.  
Perasaan itu mesti ada pada hati kita tapi jangan pula kita biarkannya menggodakan diri kita hingga ia menjadi abdi kepada perasaan itu iaitu menurut hasutan syaitan yang ditegahi oleh Tuhan itu. Hendaklah apabila menghadapi muslihat am yang berfaedah kepada kaum bangsa, negara dan ugama iaitu tiang kehidupan kepada masing-masing di dalam kaum, bangsa, negara dan ugama itu maka wajiblah kita membelakangkan muslihat dan kehendak diri sendiri daripada muslihat dan kehendak am itu. Ingatlah diri seseorang itu ialah sebahagian daripada anggota badan kaum kebangsaan dan tanahair kita. Kalau badan itu mati anggota pula bersama-samalah mati juga dan ditanam bersama-sama dengan badan itu.
- ii. Hendaklah tiap-tiap seorang itu berpegang kepada setinggi-tinggi amanah dan maruah diri dan bagi pemerintah pula hendaklah melihatkan supaya tiap-tiap orang rakyat itu mesti dapat naik setinggi-tinggi taraf kemuliaan dan kehidupan kerana setiap orang daripada negeri itu ialah anggota negara dan bangsa. Keturunannya tidak boleh menjadi hak tuntutan diri kepada bangsa dan negara melainkan mereka yang layak dan manasabah sahaja.
- iii. Tiap-tiap seorang mesti dapat sama keadilan seperti juga pandangan Allah Subhanahu wata ala ke atas sekalian.

Sumber : Nik Anuar Nik Mahmud, *Sejarah Perjuangan Melayu Patani 1785-1954* (Bangi : Penerbit UKM, 1999).